



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Internal Affairs  
Police department

Broj: 02 -11-4-9700-5/24  
Datum: 13.12.2024.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka a), a u vezi sa članom 70. stav (1), (3) i (6) Zakona o javnim nabavkama („Službeni glasnik Bosne i Hercegovine”, broj 39/14, 59/22 i 50/24), člana 34. stav (6) Pravilnika o javnim nabavkama Uprave policije Ministarstva unutrašnjih poslova Kantona Sarajevo (“Službene novine Kantona Sarajevo”, broj 44/23) i preporuke Komisije za nabavku uređaja za indikaciju droga za potrebe Uprave policije, imenovane Rješenjem broj: 02/5-1-30-1-9492 od 15.10.2024. godine, u postupku javne nabavke uređaja za indikaciju droga, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

## **ODLUKU O IZBORU NAJPOVOLJNIJEG PONUĐAČA I DODJELI UGOVORA**

### **I**

Prihvata se preporuka Komisije za nabavku uređaja za indikaciju droga za potrebe Uprave policije i ugovor za javnu nabavku uređaja za indikaciju droga za potrebe Uprave policije Ministarstva unutrašnjih poslova Kantona Sarajevo dodjeljuje se ponuđaču:

- Teve Varnost Elektronika d.o.o. Visoko za ponuđenu cijenu od 16.500,00 KM bez PDV-a

### **II**

Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru ponuđača. Prijedlog ugovora dostavit će se na potpis izabranom ponuđaču Teve Varnost Elektronika d.o.o. Visoko po isteku zakonom predviđenog roka od dana od kada su svi ponuđači obaviješteni o izboru najpovoljnije ponude.

### **III**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

### **Obrazloženje**

Na osnovu Odluke broj: 02-11-4-9700/24 od 22.10.2024. godine, Obavještenja o nabavci broj: 116475-1-1-105-3-128/24 od 06.11.2024. godine, proveden je otvoreni postupak javne nabavke uređaja za indikaciju droga za potrebe Uprave policije Ministarstva unutrašnjih poslova Kantona Sarajevo

Prema Zapisniku sa otvaranja ponuda, broj: 02-11-4-9700/24 od 28.11.2024. godine, za aktivno učešće u postupku dostavljene su ponude ponuđača: Teve Varnost Elektornika d.o.o. Visoko, MRG export import d.o.o. Banja Luka i Shot d.o.o. Zenica.

Komisija je izvršila pregled i ocjenu dostavljenih ponuda, te sačinila Zapisnik o pregledu i ocjeni ponuda broj 02 -11-4-9700-4/24 od 12.12.2024. godine, kojim je utvrdila sljedeće:

- da ponuda ponuđača Shot d.o.o. Zenica nije u skladu sa tačkom 13.3. d) Tenderske dokumentacije
- Tehnička i profesionalna sposobnost u postupku nabavke roba (član 49. Zakona).

Naime, tačkom 13.3. d) Tenderske dokumentacije - Tehnička i profesionalna sposobnost u postupku nabavke roba navedeno je da su ponuđači obavezni dostaviti Tehničku/katalošku dokumentaciju za ponudenu robu kojom se potvrđuje zadovoljenje traženih zahtjeva iz tehničke specifikacije utvrđenih u Tehničkoj specifikaciji Obrasca za cijenu ponude – Aneks III ove tenderske dokumentacije.

Aneksom 3 - Tenderske dokumentacije - Obrazac za cijenu ponude pod rednim brojem 1. tražena roba - Uređaj za indikaciju droga/droga test je opisan na sljedeći način:

*“Uređaj za indikaciju droga/droga test*

*Uređaj treba da radi na principu uzorkovanja pljuvačke (iz usne duplje) pomoću testne kasetice i analizatora u koji se umeće testna kasetica.*

*Uređaj treba da detektuje minimalno 5 skupina droga i to:*

- amfetamin
- metamfetamin
- kokain
- opijati
- THC

*Uređaj treba da omogućiti:*

- upotrebu uređaja na terenu, da je mobilan (prenosiv), da se može koristiti u vozilu
- da ima neovisno napajanje električnom energijom (baterija) ili da može podržati minimalno priključak na 12V odgovarajućeg napona u automobilu
- da se istim lako rukuje (jednostavnost upotrebe prilikom testiranja)
- jasan prikaz rezultata, čitljiv danju i noću
- higijensko uzimanje uzoraka
- prikaz rezultata nedvosmislen: POZITIVAN ILI NEGATIVAN, tako da ne zahtijeva bilo kakvo dodatno tumačenje
- vrijeme testiranja (obrada i analiza uzorka sa rezultatom testiranja) maksimalno 10 minuta
- mogućnost ispisa rezultata testiranja
- mogućnost pohrane minimalno 500 rezultata sa datumom i vremenom testiranja

*Uz uređaj je potrebno isporučiti prateću opremu:*

- mobilni štampač za štampanje rezultata, koji odgovara uređaju uz koji se isporučuje
- kabal za napajanje/punjenje u automobilu
- mikro USB kabal za povezivanje na PC
- PC softver za preuzimanje podataka iz memorije uređaja
- termalni papir za printanje za mobilni printer
- odgovarajuća transportna torba”

---

Adresa: Sarajevo, Zmaja od Bosne 9

Tel: + 387(0)33 286-740, Fax: + 387(0)33 655-917

Web: <http://mup.ks.gov.ba>, Email: [sektor.matfin@mup.ks.gov.ba](mailto:sektor.matfin@mup.ks.gov.ba)

Ponuđač Shot d.o.o. Zenica je za stavku pod rednim brojem 1. - Uređaj za indikaciju droga dostavio tehnički list/katalošku dokumentaciju za uređaj AquilaScan WDTP-10.

Uvidom u dostavljeni tehnički list/katalošku dokumentaciju, iz istog je vidljivo da ponuđeni uređaj-analizator droge AquilaScan WDTP-10 u slučaju pozitivnog rezultata testiranja navodi/upućuje na opciju "potreban laboratorijski nalaz".

Cijeneći dostavljeni tehnički list, Komisija je konstatovala da je Tehničkom specifikacijom Obrasca za cijenu ponude – Aneks III Tenderske dokumentacije navedeno da prikaz rezultata mora biti nedvosmislen: POZITIVAN ili NEGATIVAN, tako da ne zahtijeva bilo kakvo dodatno tumačenje, a da uređaj za indikaciju droga "AquilaScan WDTP-10", koji je ponudio ponuđač SHOT d.o.o. Zenica u slučaju pozitivnog nalaza upućuje na dodatni laboratorijski nalaz.

Nadalje, imajući u vidu naprijed navedeno, Komisija je konstatovala da prikaz rezultata ponuđenog uređaja za indikaciju droga rezultata nije nedvosmislen, te da u slučaju pozitivnog rezultata upućuje na dodatno tumačenje.

Shodno navedenom, ponuda ponuđača Shot d.o.o. Zenica nije prihvatljiva jer ne ispunjava uslov iz tačke 13.3. d) Tenderske dokumentacije - Tehnička i profesionalna sposobnost u postupku nabavke roba, obzirom da tehničkim listom nije potvrđeno zadovoljavanje traženih uslova iz tehničke specifikacije, te se u skladu sa članom 68 stav (4) tačka i) Zakona o javnim nabavkama odbacuje.

- da ponude ponuđača MRG export import d.o.o. Banja Luka i Teve Varnost Elektornika d.o.o. Visoko sadrže sve elemente tražene tenderskom dokumentacijom, odnosno da ispunjavaju sve formalno-pravne, ekonomske i tehničke uslove i shodno utvrđenom kriteriju "najniža cijena" ispunjavaju sve zahtjeve Ugovornog organa.

Nakon ovoga stekli su se uslovi za zakazivanje e-aukcije.

E-aukcija je održana dana 11.12.2024. godine, u razdoblju od:

- 12:00 do 12:22 sati.

Postupajući u skladu sa članom 5. stav (1) Pravilnika o uslovima i načinu korištenja e-aukcije („Službeni glasnik BiH“, broj 80/23) na e-aukciju su pozvani ponuđači čije su ponude prihvatljive.

Nakon završetka e-aukcije Ugovorni organ je dobio Izvještaj Agencije za javne nabavke BiH o uspješno završenoj e-aukciji i najpovoljnijem ponuđaču nakon završetka e-aukcije.

U toku e-aukcije je došlo do smanjivanja cijena i podnošenja novih ponuda..

U skladu sa Izvještajem Agencije za javne nabavke i konačnom rang listom ponuđača koji su učestvovali u e-aukciji, Ugovorni organ je prihvatio ponudu prvorangiranog ponuđača:

- Teve Varnost Elektornika d.o.o. Visoko za ponuđenu cijenu od 16.500,00 KM bez PDV-a.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispjele ponude u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupila te da je preporuka data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, a u skladu sa članom 69. stav (1) tačka a) Zakona o javnim nabavkama („Službeni glasnik BiH“, broj 59/14, 59/22 i 50/24), Zapisnikom o pregledu i ocjeni ponuda 02 -11-4-9700-4/24 od 12.12.2024. godine riješeno je kao u dispozitivu.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj: 39/14, 59/22 i 50/24).

**POLICIJSKI KOMESAR**  
**Generalni inspektor policije**

**Fatmir Hajdarević**

**Dostaviti:**

1. Komisiji za nabavku uređaja za indikaciju droga
2. Ponuđačima x3
3. Odjeljenju za odnose s javnošću, radi objave na web stranici ovog organa
4. a/a